

## 開放文學 – 神鬼仙俠 – 東遊記 卅六 宗保論陣漏機

卻說宋師王全節等出軍迎敵，望見九龍谷邊，陣勢排得重重疊疊，似那城郭。全節調軍士曰：“自戰爭以來，陣勢多曾經歷，未有如此之堅固變化者。蕭後軍中必有能者，若造次與戰，必有所敗。先須申奏朝廷，使遣能將到此商議，然後進兵。”李明曰：“事不宜遲。”乃即寫表，並陣圖遣人奏之真宗。真宗見奏大驚，急聚文武商議，即調三邊楊六郎來敵。六郎來到陣前細觀。不知其陣，乃請禦駕親征，並調楊老令婆來觀，亦不知其陣之所出。六郎正在優悶，其子宗保年十四歲，忽至軍中曰：“此陣吾能破之。”六郎不信令婆曰：“汝試言之。”保曰：“九龍谷自東北起直至西南，皆按各把守，內有七十二座將臺，中間路路相通，名為七十二座天門陣。靠右側黑旗之下，陰暗天光，埋有妖婦在內，乃吞迷敵人之所。此處頗覺難破，其餘尚有不全之處。中臺玉皇殿前，缺少天燈四十九盞。青龍陣下少黃河九曲水。白虎陣少金鑼二面為虎眼。少黃旗二面為虎耳。玄武陣上欠珍珠日刀皂羅旗一面。吾依法破之，如風掃葉，彼上將之頭可懸麾下矣。”令婆等大喜，問其何因知此。宗保曰：“昨因趕令婆遂至一處，有大聖母授我兵書，故知之耳。”六郎即奏真宗，來日出戰，不意奸臣上樞密漏此消息於蕭後，後即召呂客言陣有不全之故。客曰：“果有未全，當按法添起，即使軒轅復起，不能破矣。”呂軍師辭出場中，令於玉皇陣上添起四十九盞明燈，青龍陣上布起九曲黃河，白虎、玄武等處各布齊備。次日宗保領兵出陣，望得天陣布得完全，無路可破，大驚，謂其父曰：“不知何人洩此玄機？令彼天陣添設完備，永無可破之機，即神仙無所措手矣。”六郎聽罷，大叫一聲，昏絕於地。眾官具奏於帝不題。